

”اساں بھی بڑا ہونا ہے۔ اسیں بھی آن والے کل کچھ بڑیاں بڑیاں ہستیاں بنساں تھیں فر بھی اساں کو چھوٹو آکھدے رہسو؟ ہر نکے بڑے کو اپنی عزت پیاری ہوندی ہے۔ شرط کا اپروں کچرا جمع کرن آلا، لڑکا ہو وے یا لپراں تھے پالی تھیں بیلے آلی گدری..... کہہ تساں کدے اندیاں خاموش ٹھڈاں اپر یا اندیاں اکھیاں نج ساکن پیغام پڑھن دی کوشش کیتی ہے۔ اوہ آکھنا چاہندے ہیں کہ بڑیو..... بزرگو! اساں کو پُر آکھو، تھی آکھو، نکیا یا نکے آکھو..... اسیں بھی اپنے دل نج بڑے بنن دے خواب کھن کے جی رہے ہاں۔ بزرگو.....! اساں کو چھوٹو نہ آکھو..... چھوٹو نا منظور چھوٹو نا منظور.....!

راجہ نذر بونیاری

1۔ اوپکھے لفظاں نا مطلب:

- مخاطب : کسے نال گل کرنی، کسے کی کچھ آکھنا، سُنا نا
- معصوم : جیہڑا اگنہگار نہ ہو وے
- تعظیبی کلمات : کسے کی ادب نال بُلانا، اُس نے بارے نج تعظیم والے لفظ بولنا

ہم جوں	:	ہانی، ہم عمر
تو ہیں	:	بے عزتی
احتجاج	:	کسے گل نے خلاف اپنا رواہ غصہ ظاہر کرنا
اندازِ تخطاب	:	کسے نال گل کرن ناطریقہ
خاتون	:	کا سری
پامی تھیں	:	مومی لفافے
ساکن	:	اک جگہ کھلتا ہو یا، جیہڑا ہے جُلے نہ

2۔ مندرجہ ذیل سوالات نے جواب دیو:

- (۱) چھوٹو کو کیہڑی گل دا افسوس آسا؟
- (۲) چھوٹو کو اُسدی اماں کس نال بلاندی آسی؟
- (۳) اُس بُرگ بندے واسطے کسراں دے کلمات برتے؟
- (۴) شاہاش! خُدا تگو سلامت رکھئے، کس دے الفاظ آسے؟
- (۵) چھوٹو کس چیز دے خلاف تقریر کیتی؟


3۔ خالی جگہاں کو مناسب لفظاں نال پھر و:

- نکھار صفت پچے لہر چھوٹو تقریب
- (۱) اقبال دی..... حالیں نہ ملی دی آسی۔
 - (۲) ایہہ..... بھی کوئی ناں ہوندا ہے؟
 - (۳) اُسدے معصوم چہرے اُپر..... تر وق آجلدی۔
 - (۴) اقبال کو..... چڑھئی۔
 - (۵) ایہہ..... اُس کو ما و سکھالی دی آسی۔
 - (۶) اقبال..... توں ذرا ابوکو باہر سدیں۔

4۔ انشائیہ:

داستان، ناول، افسانہ تہ انشائیہ ادبی نشریات کجھ خاص صنفاں ہیں۔
 انشائیہ کہانی تہ مضمون نے بشکار لی جیئی اک صنف ہے، جس نے اندر نہ
 تہ پورے نی پورا افسانے رکھانی نی ٹکنیک اختیار کیتی جانی ہے تہ نہ ہی
 ایہہ مضمون نال میل کھانی ہے۔ اس نے اندر قدرے طنزنا غضروی
 شامل ہونا ہے ہور کسے خاص موضوع کی مقصد بنایا جانا ہے۔





وادی کرناہ

وادی کشمیر دے شمال مشرق نج ضلع کپواڑہ دے صدر مقام تھیں تقریباً ۵۷ کلومیٹر دا دشوار پہاڑی سلسلہ ہور سطح سمندر تھیں تقریباً ۱۰۰ ہزار فٹ دی بلندی تے واقع "نستہ چھن گلی"، جس کو عام زبان نج "سادھنا"، گلی آکھے گیندا ہے، پار کر کا تقریباً سطح سمندر تھیں ۶۰ ہزار فٹ دی بلندی تے مکنگی جئی وادی واقع ہے جیہڑی کے وادی کرناہ دے نال نال جانی جلدی ہے۔ ایہہ وادی "شمیں بری"، ہور "کرانوں"، پہاڑی دی چھوٹی نج واقع ہے۔ آزادی تھیں پہلاں ایہہ وادی، وادی دراوه، وادی لپہ ہور وادی کرناہ تے مشتمل آسی۔ جسد یاں سرحداں مشرق نج شمشیں بری تھیں اگے فر کیاں، دمار گلی تکر ہور مغرب نج نالہ قاضی ناگ ہور کشن گنگا دے سنگم یعنی (میل) جڈارے

تکر ہور شمال پنج شار ده تھیں اگے تلیل دی سرحد تکر ہور جنوب پنج نالہ قاضی ناگ دے منبع یعنی اوڑی دی سرحد تکر کھلری دی آسی، جس کو کہ مہاراجہ رنجیت سنگھ دے دور حکومت پنج تھصیل داد رجہ دیتے گیا ہور تھصیل صدر مقام ٹیڈوال مقرر ہو یا۔ ریاست جموں و کشمیر دے بٹوارے دے بعد چونکہ علاقہ دراوہ ہور لیپہ وادی کرناہ تھیں کنی کرتے گئے ہور دریائے کشن گنگا جیہڑا کے ہندو مسلم پہائی چارے دا علمبردار ہور پوترا دا نمونہ آسا سرحدی لکیر پنج بدل دتے گئے۔ ٹیڈوال دی مرکزیت ختم ہو گئی۔ کشن گنگا نیلم تہندیب دیاں پھینکر اں اُڈار چھوڑیاں۔ ٹیڈوال دی مشہور زمانہ منڈی دکھدیاں دکھدیاں اگی دے لمبیاں دی نظر ہو گئی۔ اسدے نال نال ایہہ وادی ضلع مظفر آباد تھیں کنی ہو کے ضلع بارہمولہ ہور پچھا ضلع کپواڑہ دی یک نکی نئی تھصیل تکر محمد ود ہو کا رہ گئی۔ جیہڑی کہ اج صرف ۵۰ ہزار آبادی تے مشتمل ہے، جس دا تھصیل صدر مقام ٹیڈوال تھیں منتقل ہو کا ”کنڈی“، ہور فرٹنگڈار پنج قائم ہو یا۔ راجہ شیر احمد خان دے دور حکومت پنج کجھ عرصے واسطے وادی کرناہ دا گرمائی دارخلافہ گبرے تھیں نہیاں منتقل ہو یا آسا۔ ایہہ علاقہ اج بھی تھصیلاں دے نال مشہور ہور حال ہی پنج اتحا یک سو ہنا جیا ڈاک بنگلہ بھی تعمیر ہو یا دا

ہے۔ کنٹرول لائنس دے قیام نال اسدے مقدر تے ہک ہور الٹی لکیر اس ویلے مار گئی جس ویلے کرناہ مظفر آباد روڈ جیہڑی کے وادی کرناہ وادی کو کشمیر نال ملانے دا ہک واحد رستہ آسی، بند کر دتے گئی۔ اس طراں وادی کرناہ باقی ریاست تھیں بالکل کٹ کے رہ گئی۔ اسدے بعد موجودہ چوکی بل ٹنگڈار سڑک جیہڑی کہ نستہ چھن گلی تھیں ہوندیاں ہو یاں گزر دی ہے۔ تعمیر کیتے گئی جیہڑی اج بھی سیالے نج برف باری دی وجہ نال بند رہندي ہے ہورا کثر مُنج جانی تے مالی نقصان دی وجہ بندی ہے۔

وادی کرناہ دے آباد ہونے دے اشارے ترے ہزار قبل مسیح تھیں بعد ملدے ہیں۔ اس دور نج ایہہ علاقہ جنگلاں، پہاڑاں ہور جھیلاں نال پھر یادا رہندا آسا۔ پہلاں پہل اتحا لوک مال چوکھراں کو چرا لے واسطے این لگے چونکہ اتحا پانیاں دی بہتات آسی ہور کہا (چارہ) وغیرہ نج آسا۔ اس وجہ نال ایہہ علاقہ بہک دی صورت نج استعمال ہون لگا۔ آسام پاساں دے علاقوں تھیں لوک گرمیاں دے گجھ مہینے اتحا اپنے مال چوکھراں نال گزار کے چلے گیندے آسے۔ فر ۲۰۰۰ ق، م تھیں مکمل آبادی دا اس علاقے نج پائے گینے دا پتہ ملدا ہے۔ اس دور نج وادی کرناہ دے جیہڑے علاقے آباد

ہوئے انہاں نجح شاردا، شاہ کوت، پھوگی راجہ، ہیلمت گراں، اشکوٹ، فلاکن ہور میر پور گراں وغیرہ دے نام قابل ذکر ہیں۔ انہاں علاقیاں نجح آباد ہونے والے لوک اوہ آسے جیہڑے کسے نہ کسے وجہ نال اس دشوار گزارے علاقے نجح رہے واسطے مجبور آسے۔ انہاں نجح اکثریت بادشاواں دے باغی فوجیاں دی آسی۔ ایہہ لوگ بالا، گزر، تلوار ہور کھوائڑی چلائے دی تربیت حاصل کر دے آسے۔ گھج سالاں پہلاں دلدار گراں دے ملحقة پہاڑ تھیں کھدائی دے دوران اس قسم دے اوزار دستیاب ہوئے دے ہیں۔ جیہڑے کے بٹے دے بنے دے آسے۔ ایہہ وثوق نال نیہہ آکھیا گیندا کہ ایہہ اوزار اُسی دور دے ہیں یا اس تھیں بھی پہلاں پتھر دے زمانے دے۔

آکھیا جملہ اے کہ جس طراں وادی کشمیر یک ستی سر ہوندی آسی، اسی طراں وادی کرناہ بھی ہکی زمانے نجح ستی سر آسی ہور موجودہ کرناہ دے علاقے جنہاں نجح نپھیاں، کندھی، ٹنگڈار، دلدارہ، کھاؤڑ پارہ ہور انہاں علاقیاں دے ملحقة جیہڑے نکے نکے گراں آباد ہیں، زیر آب آسے۔ انہاں تیہاڑیاں وادی کرناہ کو ”بور“، آکھے گیندا آسا۔ ہور ”بور“ دے علاقیاں نجح ”زرلہ“، کو بڑی اہمیت حاصل آسی ہور مالی اعتبار نال ایہہ علاقہ بڑا خوشحال آسا۔ اس نسبت

نال اسدا ناں ”زر“، تھیں ”زرلہ“ پیا۔ اس تھیں پہلاں اسدا ناں ”پڑھان کوٹ“، آسا۔ آکھدے ہیں جے زر لے دا شہر انہاں تیہاڑیاں مشہور ہوندا آسا۔ اج ایہہ علاقہ بالکل غیر آباد ہے۔ ہور یقین نیہہ ایندا کے ایہہ علاقہ کدے شہر ہوندا ہوئے آ۔ چونکہ ایہہ علاقہ ”سادھنا“، گلی دی چھوٹی نچ ہے ہور ملحقة علاقیاں تھیں تقریباً اُچائی تے واقع ہے ہور جس ولیے اسیں اُچائی تھیں اس وادی دا بغور مشاہدہ کردے ہاں تے صاف سامنے ہوندا ہے کہ ایہہ وادی کدے سر ریئی ہوئی ہور زر لے دا ایہہ علاقہ اپنی اُچائی دی وجہ نال اُس سر تھیں باہر ہوندا ہو گئے آ۔ اس گل دے بھی واضح اشارے ملدے ہیں کہ تلاں والے علاقے چونکہ پانی تلے آ سے اسی وجہ نال پہاڑاں دیاں چوٹیاں تے لوک آباد ہونا شروع ہوئے۔ اج بھی پہاڑاں دی گھدائی دے دوران سمندر دی ریت دی تہہ مورتیاں، پتھر دے مجسمے، بٹے دیاں چکیاں، بٹیاں دے اوزار، مٹی دے پہاڑ دے وغیرہ تھیں دے ہیں۔ گرے گرے نقل و حمل واسطے کشتیاں دے استعمال دا بھی اندازہ ہوندا ہے۔ اس دور نچ وادی کرناہ دے وسط نچ کشتیاں دے استعمال دا بھی اندازہ ہوندا ہے۔ اسی دور نچ وادی کرناہ دے وسط نچ جیہڑا پہاڑ ”کرانو“ دے ناں نال

جانیا جاندا ہے ہور سطح سمندر تھیں تقریباً ساڑھے سو ہزار فٹ بلندی (اُچائی) تے واقع ہے اس تے کہ راجہ جسد انہاں ”کرن“، آسار ہند آسا۔ اُتحا اُسدے محل ہوندے آسے جہاں دے کھنڈرات اس پھاڑتے اپنی گنمائی کو کوسدے ہیں۔ جس کو اج بھی ایلی کرناہ ”راجہ کرن دیاں ٹھیریاں“، نال پکار دے ہیں۔ اس پھاڑتے راجہ سُن چند کہ حوض بھی تعمیر کرالے دے آسے۔ آکھدے ہیں کہ انہاں حوضاں اندر چھڑا لگیا دا ہے۔ تاں جے بارشادا پانی کافی عرصے تکر انہاں پنج جمع رہ سکے۔ ہجاؤ بھی انہاں سراں دے نقوش باقی ہیں۔ آکھدے جے راجہ کرن سن ہی ”آری ڈل“، دے مقام تے ٹھاکے کپ کے کہ نکاسی بنائی جتھا تکر کے جھیل داسارا پانی بہہ گیا ہورا یہہ سر سبز وادی معرض وجود پنج آئی۔ ایہی ”آری ڈل“، ہولیاں ہولیاں موجودہ ہری ڈال آکھے گیندا ہے۔ آری ڈل یعنی اپھجا لگدا ہے کہ ٹھاکے ایسا کپ کا پانیاں داراہ بنائے گیا دا ہے جیاں آری کشاں سُن لکڑی کو آری نال کپیا دا ہوئے۔ اسی جائی تھیں اج کل نالہ ”بتہ ماجی“، دا گزر ہے۔ اس جائی دے نیڑے ہی نالہ بتہ ماجی دے کنارے اج بھی کہ چٹان موجود ہے جس پنج کمال فنی مہارت نال کسی زبان پنج کہ عبارت لکھے گئی دی

ہے۔ جیہڑی کے پڑھن نیہہ ہوندی غالباً شارڈہ یونیورسٹی دے زمانے پنج تحریر یا بدھ مت دا کتبہ اسی ”راجہ کرن“، دے نال دی مناسبت نال ایہہ وادی کرناہ دے نال موسوم ہوئی ہور پھاڑ ”کرانوں“ دے نال نال۔ کھن دی راج ترنسنی پنج بھی وادی کرناہ کو ”کرناہ“، ہی دے نال نال تحریر کیتے گیا ہے۔ مزید وضاحت ”راج ترنسنی“، اردو ترجمہ جلد ۲ باب (جغرافیہ قدیم) دے صفحہ ۱۸۶ تے دستیاب ہے۔ ہور وادی دراوا، شارڈہ، دریائے کشن گنگا وغیرہ دی معلومات بھی صفحات ۱۲۸، ۱۲۱، ۱۲۰ تے میسر ہیں۔

وادی کرناہ دا نال بھی ”راجہ کرن“، دے نال دی مناسبت نال پیادا ہے۔ انہاں ہی تیہاڑیاں ”کیرن“، ہور ”کرناہ“، دے بشکار ہک علاقہ جیہڑا کے اج ”رنگوارڈ“، بہک دے نال مشہور ہے آباد آسا ہور وادی کرناہ، ہی دا حصہ ہور ”راجہ کرن“، دی جا گیر آسا۔ اج ایہہ علاقہ بالکل غیر آباد ہے۔ اس پنج ہک پنج بڑا مدان ہے۔ اُس پنج انہاں تیہاڑیاں ہک پنج بڑی سورتی راجے دے حکم نال نصب کیتے گئی دی آسی۔ جسدے نقوش اج بھی باقی ہیں۔ ہور اس کو ”مہندی والا بُت“، آ کھے گیندا ہے۔ چونکہ ایہہ جاء خاصی اچائی تے ہے اس واسطے اس جائی کورا جے سُن ہک قسم دے سکنل سنٹرو اسٹے چُنیا دا آسا۔

جتوڑا تیں دے نہیں رے نچ راجہ کو منگر یاں دے ذریعے حالات تھیں باخبر کیتے گیند آسا۔ شاید اس جائی تے سگنل سینٹر قائم کیتے دی اس واسطے بھی ضرورت محسوس ہوئی ہوئے کہ بچا والا علاقہ ستر سر (یعنی کے پانیاں والا علاقہ) آسا ہو رُڑے فرے نچ کافی مشکل ہوندی آسی۔

”راجہ کرن“، داشاہی محل گویا کے ”کرانوں“، پہاڑی دی چوٹی تے آسا تاہم شاہی خاندان دے دُوے افراد ہور رشتہ دار ”کرانوں“، پہاڑی دی مشرقی چھوٹی نچ آباد آسے۔ اوہ ”گبر“، آکھال دے آسے۔ جس دے لغوی معنی آتش پرست دے ہیں۔ راجہ خود بھی ”گبر“ آسا۔ اسی خاندان دے ناں تے اس علاقے دا ناں ”گبرا“ پیا۔

وادی کرناہ نچ پانڈواں دے آئے دے آثار بھی ملدے ہیں۔ چنانچہ ”پانڈو پل“، جیہڑا کے نالہ قاضی ناگ تے اج بھی موجود ہے۔ ”ٹاؤ“، گراں کو ”پراڑہ“، گراں نال ملیندا ہے۔ انہاں ہی پانڈواں دے ناں نال موسوم ہے۔ اس پل دی تعمیر واسطے پانڈواں سُن جیہڑے بٹے دے ٹھٹھر ”موچی“ دے بناء نچ تیار کیتے دے آسے ہو رکسی وجہ نال اوہ استعمال نیہہ کیتے جُل سکے۔ اوہ بٹیاں دے ٹھٹھر اج بھی ”موچی“ دے بناء نچ دکھے جُلدے ہیں۔ آکھدے ہیں

پانڈوال سُن وادی کرناہ پچ اپنے قیام دے دوران پراڑے دے جنگل پچ کجھ
 زمی بھی زمینداری واسطے بنائی دی آسی۔ اج بھی انہاں ڈوگیاں دے
 ناں سنسکرت پچ ہی کھدے گیندے ہیں۔ مثلاً آورا، تاوری، ٹھاکری، شاکھڑی
 وغیرہ ہاروں کیتے گیندا ہے کہ شری کرشن دے بھی مکواری اس وادی پچ اینے
 دے اشارے ملدے ہیں۔ چنانچہ کیرن دے راہ پچ بھی اج ہک جاء ”راجہ
 رام دیاں لڑیاں“ دے ناں نال مشہور ہے۔ اتحاں کیاں بڑیاں کئی غاراں ہیں۔
 آکھدے ہیں کہ رام جی دوران بن باس انہاں ہی غاراں پچ رکے ہیں۔

کرناہ وادی کشمیر تھیں سدھا چوکی بل جیہڑا راہ ملیندا آسا اوہ سادھنا
 بچوں گزردا آسا ہورروايت ہے کہ اس سادھنا گلی تے دودیونیاں رہندیاں
 آسیاں جیہڑیاں ”انھی“، ہور ”ڈوری“، دے ناں نال مشہور آسیا۔ ایہہ دوئی
 دیونیاں آدم خور آسیاں۔ ہور راہ ٹرنے والیاں کو اپنا گراہ بنا کھندیاں آسیا
 ل۔ اس واسطے ٹرنے والے چھکڑیاں بنه کے لنگھدے آسے۔ کرناہ دیاں
 لوکاں دے دلاں پچ انہاں داخوف اجاں بھی ہے۔ اج بھی لوک اس راہ کو
 کھلیاں ٹرے تھیں کتریندے ہیں ہور ماواں اپنیاں جندکاں کو اج بھی ”انھی
 ڈوری“ دے خوف تھیں ڈریندیاں ہیں۔ آکھدے ہیں کہ ہک واوری بابا عبداللہ

غازی اس را تھیں ہوندیاں ہو یاں پیدل وادی کشمیر جل رہے آئے، انہاں نال
۳۷۰ آدمیاں دا یک ٹولہ آسا۔ دیونیاں بچوں ہکی دیونی سُن عادت دے مطابق
ٹولے دے آخر لے آدمیاں کو اپنا گراہ بنا کہہا۔ ٹولے (قالے) پنج شور مج گیا
خبر بابا صاحب تکر پہنچی تھے انہاں سُن اپنی سوئی نال اس دیوی دا ٹھہڑ پھاڑ چھوڑ یا
ہو را اس آدمیاں کو زندہ باہر کلڑھ کہہا۔ فرع عبد اللہ غازی دی بد دعا نال ایہہ دوئی
دیونیاں بٹا بن گئیاں، جیہڑیاں اج بھی بٹے دیاں مورتیاں دی شکل پنج شمس بری
پھاڑتے دی کھے جل سکدیاں ہیں۔

1 - اوپرکھے لفظاں نامطلب:

صدر مقام : مرکزی جاء

دشوار : مشکل

منبع : نکلے دی جاء

محدود : تھوڑے جئے، کھٹ، یک حد دے اندر

بہتات : زیادہ، پنج، متا، کافی

پھر یادا : پھر پور، لبالب، سُبھر

اکثریت : زیادہ تعداد نجع
 کرانوں : پھاڑ داناں
 شنس بری : پھاڑ داناں
 زرلہ : ہک مدان، ہک بہک، ٹھوک
 رنگوارٹ : ہک مدان، ہک بہک
 مہندی والا بُت : ہک بُت جس دارنگ مہندی نال ملد اجلا ہے

2۔ مندرجہ ذیل سوالات نے جواب دیو:

- (۱) تحصیل کرنے والے پہلے دانے کے آسا؟
- (۲) تحصیل کرنے والے دانے کیہڑے بادشاہ دے نال نال منسوب ہے؟
- (۳) تحصیل کرنے والے آباد ہونے والے آثار کیہڑے دور نجع ملدے ہیں؟
- (۴) تحصیل کرنے والے بھی ستر آسی، اس دا پانی کسرائی کڈھیا گیا؟
- (۵) نالہ بتہ موجی کس علاقے نجع پایا گیندا ہے؟
- (۶) راجہ کرنے والے محل کتھا آسا؟
- (۷) راجے والے حکم نال بُت کیہڑی جائی نصب کیتا گیا؟





بُدھل نا علاقہ

موسم تکّو پیارا پیار بُدھل نے علاقے نا
یارو سُنیو خوب نظارا بُدھل نے علاقے نا
دسوئی تھے رچھ بگلے اندر ٹھنڈیاں چلن ہواواں
گھبر، گلیر، بھروت، بھان تھیں میں قربان ہوجاواں
سب شہرائ تھیں شہر ہے پیارا بُدھل نے علاقے نا
یارو سُنیو خوب نظارا بُدھل نے علاقے نا
لوک اٹھونے سدھے سادے رشت خوراں لٹھی کھاہدے
گھماں کیتے چھوٹھے وعدے پورے کیتے نیہہ ارادے

آپس بچ اخلاق ہے پیارا بُدھل نے علاقے نا
یارو سُنیو خوب نظارا بُدھل نے علاقے نا
پھلنی مگی کدے نیہہ پھلنی رب نے اُتھے رحمت دُھلنی
ٹھنڈی ٹھنڈی ہوا ہے چھلتی پیلی پیلی سریاں پھلنی

اشرف اُتھے ڈیم ہے پیارا بُدھل نے علاقے نا
یارو سُنیو خوب نظارا بُدھل نے علاقے نا

قاری محمد اشرف

1۔ اوکھے لفظاں نامطلب:

پیارا پیار : خوب صورت، دل ٹھگنا

لٹی کھاہدی : لوٹ کھسوٹ کیتی

اخلاق : چنگا طور طریقہ، میل ملاپ، گل بات

چھمنی : ہوانا چلنا

2۔ مندرجہ ذیل سوالات نے جواب دیو:

(۱) بُدھل نے کجھاں گراواں نے نا لکھو؟

(۲) بُدھل نے لوک کسرائی نے ہیں؟


(۳) رب نی رحمت شاعر نے مطابق گتھے ڈھلنی ہے؟

(۴) ڈیم کس علاقے پچ ہے۔

3۔ صحّوتہ کرو:

لفظ ”پیارا پیارا“، پچ پیارا الفاظ دو بار برتیا گیا ہے۔ ایہہ اس واسطے دو بار لکھیا جانا ہے تاں جے لفظ نی تاثیر نی شدت ظاہر کیتی جائی سکے۔ ٹس اسرائی نے پنج مرکب تلاش کرو۔





سائیں قادر بخش

سائیں قادر بخش ۱۸۵۸ء پنج پونچھ شہر نے نیڑے اک بستی پنج ملیار خاندان پیدا ہوئے۔ انہاں اپنے ہی علاقے تھیں بُنیادی مروجہ تعلیم حاصل کیتی۔ جدوں تھوڑے سکھرے ہوئے تاں انہاں ملکہ جنگلات پنج را کھے نے طور ملاز مت اختیار کیتی تاہم مہاراجہ پونچھ نی رانی رکھ پنج جیہڑی ”رکھ بھتیاں“ نے نال مشہور سی انہاں نی تعیناتی ہوئی۔

سائیں قادر بخش بڑے خوبصورت نکے نقشے نے مالک سن نہ اللہ تعالیٰ انہاں کی خوبصورت آوازنال وی نوازیانا سی۔

رکھ بھتیاں پونچھ شہر تھیں اچیری واقع ہے تاہم وجہ نال اتوں پورا شہر نظری پنج رہنا ہے۔ اتوں پونچھ شہر ناہوں دلفریب نظارہ لجھنا ہے۔ ادھر رکھنا وی بہوں

دل ٹھگنا نظارا سی۔ سائیں ہورا سے فطری ما حول پچ کھمی گئے تھے قدرت نے انہاں دلفریب نظاریاں انہاں نے اندرنی دُنیا، ہی بدل چھوڑی۔ اوہ عالم وجد پچ آئی تھے بخلی بجانے تھے دلاں نے تارذات باری تعالیٰ نال ملانے۔ انہاں نے بخلی نی آواز آس پاس مال چارنے والیاں نے دلاں اُپروی ڈوہنگا اثر کرنی تھے اسرائیل اوہ لوک انہاں نے عاشق ہونی جانے، مگر سائیں ہورا س فانی دُنیا نے بجائے اُس فطری حُسن نے سمندراں پچ ڈُبئے گئے۔

بلیں بلیں سائیں ہور روحانی دُنیا پچ گم ہونے گئے تھے اخیر وہ پورے طور ور فنا فی اللہ ہوئی گئے۔ ہُن اوہ پورے طور اُپر فقیرانہ لباس پچ نظری اچھن لگے۔ ہُن جنگل نی را کھی پچ انہاں نا دل کھٹک ای لگنا سی۔

ایہہ خبر پوچھنے راجے تکر پچھی تھے اُس سائیں ہوراں کی رکھ بھتیاں تھیں اپنے محل نے نیڑے اک کمرہ بنائی دیتا تھے اوہ اُتھے رہن لگے۔ ہُن سائیں ہوراں کوں لوکاں کا آن جان لگی گیا۔

انہاں کی ہُن اس جگہ وی دل نہ لگا تھے انہاں غالباً ۱۹۸۱ء پچ پوچھ کی خیر آباد آکھیا۔ انہاں جنگلاں تھے ویرانیاں نا رُخ کیتیا۔ اس دوران انہاں نی ملاقات کئی اک خدا دوست لوکاں نال ہوئی جہاں پچ سید عطر شاہ تھے سید حبیب شاہ وی شامل ہیں۔ اسے دوران انہاں نی ملاقات بابا عبد اللہ لاوری

ہوراں نال ہوئی جہاں نے اوہ بھوں عاشق سن۔ حضرت بابا لاروئیؒ نی محبت انہاں کی وانگت تکر کہن آئی۔

۱۹۲۶ء پنج ساٹیں ہوراں راجوری نارخ کیتاتھ سدھے ذیلدار مرزا محمد حسین ہوراں نے کئھ پہچے۔ مرزا محمد حسین ہوراں انہاں کی شاہدرہ شریف زیارت نامجاور بنائی چھوڑ دیا جتھے اوہ ۳۵-۱۹۳۳ء تکر گدی نشین رہے۔ اک بار گھوک راجوری تھیں بابا نگری وانگت شریف حضرت بابا جیؒ نال ملن گئے۔ بابا جیؒ ہوراں انہاں نے ہتھ ساٹیں ہوراں واسطے اپنی چادر پہچی۔ جدوں انہاں لوکاں شاہدرہ شریف ساٹیں ہوراں کوں آئی تھے امانت حوالے کیتی اُس ویلے ساٹیں ہور ھوئے پھٹکنے سن لگے نے۔ چادر کی تکنیاں ہی انہاں ھوئے کی پراں کرنیاں آکھیا۔ ”اوے ھقیا آج تکر اسماں اک دوے ناساتھ نبھایا وراج لار شریفوں اسماں نی جُدائی ناتھ مگی لا رشیر پہچنے نا حکم ہو یا ہے۔ اس تھیں بعد اوہ بابا نگری وانگت کشمیر پہچے۔ گھوک عرصہ اُتھے مقیم رہنے تھیں بعد اوہ انہاں رخصت منگ۔

وانگت تھیں مُڑی ساٹیں ہور ٹھنور جرالاں راجوری پہچے۔ راجوری نے اندر انہاں دناں کئی ادبی شخصیتاں موجود سن جہاں پنج پیر حیدر شاہ صاحب، مولوی مہر الدین قمر، قاضی جلال الدین تھے چودھری دیوان علی جیے لوک شامل سن۔ ٹھنور پنج

قیام نے دوران اوہ سائیں گنجی بادشاہ ہوراں نال وی ملے۔
 سائیں قادر بخش اپنے زمانے نے مشہور شاعروی سن تہ انہاں نا کلام عوام
 کی مُنہہ زبانی یاد سی۔ اوہ جو گھوٹ وی لکھنے لوک اُس کی زبانی یاد کری کہنے سن۔
 سائیں ہوراں کی تہنور بہنوں پسند سی۔ مگر اوہ اُتحوں نکلی تہ راجوری
 تھیں کوئی پنجست میل دؤ رایتی گراں پنج آئی بستے تہ اتھے ہی ۱۹۳۸ء پنج فوت
 ہوئے ہوراں سے جگہ دفن وی کیتے گئے۔

1۔ اوہکھے لفظاں نا مطلب:

- مردوجہ : جس نارواج ہو وے
- نک نقشہ : شکل و صورت
- دل弗یب : بہنوں سوتی، چنگی نظر آن والی
- دل ٹھگنا : دل کی چنگا لگن والا
- وجد : دُنیا تھیں بے خبر ہوئی اللہ سنگ رشتہ جوڑن نی حالت
- فطرتی : قدرتی
- روحانی : جس نا تعلق روحانیت نال ہو وے
- فنا فی اللہ : اللہ نی راہ پنج فنا ہون والا

مجاور : کسے زیارت نے اپراؤس نا انتظام وغیرہ کرنے والا
امانت : کوئی چیز کسے نے حوالے سمهائی رکھنے واسطے کیتی جائے۔

2۔ مندرجہ ذیل سوالات نے جواب دیو:

- (۱) سائیں قادر بخش نا تعلق کس علاقے نال سی؟
- (۲) سائیں قادر بخش کس سن پنج پیدا ہوئے؟
- (۳) سائیں قادر بخش ہوراں کے نوکری اختیار کیتی؟
- (۴) پونچھوں اوہ کدوں نکلے؟
- (۵) سائیں قادر بخش راجوری کدوں آئے؟
- (۶) انہاں کی شاہد رہ شریف نا مجاورہ کس بنایا؟

3۔ خالی جگہاں کو مناسب لفظاں نال پھر و:

- (۱) سائیں قادر بخش پنج پونچھے نیڑے اک لستی پنج پیدا ہوئے۔
- (۲) انہاں محلہ فی نوکری اختیار کیتی۔
- (۳) سائیں قادر بخش نک نقشے نے مالک سن۔
- (۴) بلیں بلیں سائیں ہور دُنیا پنج گم ہونے گئے۔





میلہ سخن

مینڈھر شہر تھیں کوئی چار میل دور سخنی میدان اک خوبصورت وادی تھے تاریخی مقام ہے جس نے چواں پاسے آسمان کی ہتھ لانے آئے اپنے پہاڑ ہیں - ہر پاسے ہریالی ہی ہریالی ہے تھے قدرتی حُسن نال ایسے علاقے پہر پور ہے۔ اس وادی نے اس کے نجحے حضرت سخنی سرو رُنی بیٹھک ہے۔ کسے زمانے نجح کروتے پانڈواں وی اس کی اپنا کھنڈ بنا یا سی۔ انہاں نے نشان اج توڑیں وی موجود ہیں۔ بڑے بڑے پڑلاائی تھے اک بڑے تلے نے چواں پاسے اک کندھ بنائی۔ اک کھوہ گھنیا جیہڑا بھوں ڈوہنگا ہے۔ اج وی لوک اُس نجح گیلیاں سٹی تھے اُس نی ڈوہنگیاں نا اندازہ لانے ہیں۔ کروتے پانڈواں

نی نشانی پنج اک پتھر ناں صندوق اج وی انہاں نی یاد دلانا ہے۔ انہاں تھیں بعد حضرت سخنی سرو راس جگہ کی چُنیا۔ حضرت سخنی نے ناں ور اس ناں سخنی میدان پیا۔ حضرت سخنی سرو را پنے زمانے نے مشہور صوفی سُن۔ انہاں کی اس علاقے بیاں کھیڈاں نال خاصی دلچسپی تھا لگاؤ سا۔ انہاں مذہب اسلام نے پھیلاو نے نال نال مقامی کھیڈاں کی وی زندہ رکھنے پنج بڑا ہم کردار ادا کیتا۔ اپنے دور پنج حضرت ہر سال ساون نے چن نی یاراں، باراں تھے تیراں تاریخ کی اک میلے نامنڈھ رکھیا، جس پنج سارے علاقے نے لوکاں کی اکھٹھا کری ٹھو لاں تھے شرنا بیاں نے سنگ بکھ بکھ دیسی کھیڈاں کھیڈ نے نا حکم دتا۔ انہاں کھیڈاں پنج بانہہ یا بینی پکڑنا، گلڈ ریا گٹی چانا، کبڈی کھیڈ نا، گُشتی کرنا، گرتکا کھیڈ نا شامل سا۔

ایہہ میلہ اج وی جاری و ساری ہے ہور پورے علاقے نی شان ہے۔ سخنی پیر میلہ اج وی ہر سال ساون نے چن نی یاراں، باراں ہور تیراں تاریخ کی لگا تارمنا یا جانا ہے۔ پہلے دن جدوں میلے نی شروعات ہونی ہے، سب تھیں پہلاں اک بکرا حلال کری دعا کیتی جانی ہے۔ سارے لوک اکھٹھے ہوئی دعا منگنے ہیں، فر ٹھل چاہڑی جانی ہے۔ ایہہ ٹھل اک لمحی سار سنگ بنیخی

اک کھوئے نے بوٹے ورہوں اُچی ٹنگی جانی ہے۔ ایہہ ٹھیل اتنی اُچی ہونی ہے جے دور دور علا قیاں بچوں صاف نظر آنی ہے۔ فرمیے نی مکمل شروعات ہوئی جانی ہے۔ ہر پاسے رونق ہی رونق ہونی ہے۔ جلپی، پکوڑے ہر قسم نے پھل، ٹھنڈے شربت، رنگ رنگ نیاں ہو مختلف قسم نیاں مٹھائیاں جگہ جگہ نظر آچھیاں ہیں۔ اس بڑے تلے پچ جگہ جگہ پہنگوڑے لگی جانے ہیں، جیہڑے دلی قسم نے بنے ہوئے ہونے ہیں۔

پچ ہور جوان پوری تیہاری انہاں پہنگوڑیاں ور مزہ کرنے رہنے ہیں۔ بگُد رس تھیں اُپر دوں اس تھاں ور تھمنے ہیں۔ اس بگُد رنا وزن کھٹ تھیں کھٹ ترے (۳) من ہونا ہے۔ اس تھیں بعد ہر پاسے ٹھو لاں ور بیساکھی بجائی جانی ہے تہ فر بانہہ یا بینی پکڑی جانی ہے۔ جیہڑا بانہہ ڈکی چھوڑے اُس کی موہنڈیاں ور چائی سارے میدان پچ پھیریا جانا ہے۔ فر ہور جوڑی کڈھی جانی ہے۔ اسے طراں ایہہ سلسلہ پیشی توڑیں چلنارہنا ہے۔ اُس تھیں بعد کبڈی کھیڈی جانی ہے ہور آخر پچ گشتی۔ اس طراں ایہہ میلہ برابر (۳) تیہارے پورے علاقے کی رونق بخشنا ہے۔ شام ویلے ٹھلاری ساریاں سامان بیچنے والیاں کوں جائی تہ اپنا حصہ کھتنا۔

سنہ ۱۹۳۷ء تھیں پہلا اس میلے نج لاہور تک پہلوان تھے لوک میلہ تکنے
واسطے اچھے ہونے سن، پہن ایسے سلسلہ مکملی گیا ہے، تاہم فروی اج پنجاب
توڑیں نے پہلوان اپنی پہلوانی نے کرتب دھسن واسطے اس میلے نج آنے
رہنے ہیں۔

1 - اوپکھے لفظاں نامطلب:

بیٹھک : بیٹھنے دی جگہ

اُچ اُچ : بلند، اونچے

بگدر : اک پتھر جیہڑا اکھڑا یا گیا ہونا۔ اس کی پہلوان تھمنے ہیں

پیشی : اک بچ تھیں بعد ناوقت

موہنڈا : کندھا

کرتب : کمال، فن

2۔ مندرجہ ذیل سوالات نے جواب دیو:

- (۱) حضرت سخنی سرو رُنی بیٹھ کیہڑی جگہ ہے؟
- (۲) سخنی پیر میلہ کیہڑی تاریخ کی شروع ہونا ہے؟
- (۳) اس میلے نج کیہڑیاں کھیڈ اس کھیڈ یاں جانیاں ہیں۔
- (۴) سخنی پیر نے مقام ورکرو تھے پانڈواں بیاں کیہڑیاں نشانیاں موجود ہیں۔

3۔ خالی جگہاں کو مناسب لفظاں نال پھر و:

- (۱) سخنی میدان مینڈھر شہر تھیں..... میل دور ہے۔
- (۲) سخنی میدان ناناں نے ناں پر پیا ہے۔
- (۳) سخنی میدان ضلع نج پایا جانا ہے۔
- (۴) سخنی میدان نج من نا بگدر موجود ہے۔
- (۵) اُتحے کھوہ ہے جیہڑا ہیوں ہے۔



ڈرامہ:

انگوٹھا

سین نمبر.....۱

(پھاڑی زمی دارنا کہر، رن خصم گجھ کم کرنے ہیں، بچہ کھیدنے ہے لگانا۔
زنانی خصماں واخ نظر چھنگی تکنی ہی نیہہ کیاں کہ گجھ ناراض لگنی ہے۔
خصم رنوں نے کوں آئی تھا اُس کی منان نی کوشش کرنا ہے۔)

علماء : کہر آلی کی چھنجوڑ نیاں ہوئیاں ”رجی.....اوہ رجی۔ روح کرنا ہے تگی
رجی رجی تکنار ہواں۔“

رجی : چگے لانیاں ہوئیاں ”رجی رجی تکنار ہواں، جاؤ میں نیہہ بولنی۔“

علماء : توں چاہئی ایں کہ شاہ نے بھی کھاتے بچ ماہر انابولنار ہوے۔

رجی : شاہ نا بھی کھاتہ تھ عمر اس نا بولنا پیا ہے، پرمندے نے نیاں سُنتاں بھی بھی
کرساں، ٹھوں لہمکیاں نال بہاںس۔

علماء : چنگا پہنائی، بلائی لے فر سکے تھے جیدے، بھی بھی سُنتاں کرا۔ ملیا شاہ نی متحاجی کرنی پسی تھے کری لیساں۔

رجی : (تھوڑا نرم پینیاں ہوئیاں) ”ماہڑے کیہڑے سَت پُتُر ہیں، اکواک تھے ہے۔ ختنے نی تھاں جیدا راں نے بیاہ ہاروں کرساں..... آہاں۔

علماء : ہلا ہلا..... میں شاہ نال ادھار نی گل کرنا ہاں (پیار جتا نیاں ہوئیاں)
مگر توں گل تھے کر۔

رجی : پُتُرے کی چھوٹی نجع چھنگنگیاں ہوئیاں ”پر میں ہٹو مشکر یاں نہ کرو“۔

علماء : ہلا..... نہ بیاہ کیتا نایاہ۔

رجی : پہلاں شاہ نال گل کری آؤ۔

علماء : (اٹھنیاں ہوئیاں) ”چنگا پہنائی، توں چاہنی ہیں کہ شاہ دانے پھکے نال
علیے کی وی لوے تاں اسرال، ہی سہی۔

(لوئی نی بُکل مارنیاں ہوئیاں، صافہ بخنیاں ہوئیاں ہو رسمی ہنی
کھروں باہر نکلنیاں ہوئیاں ایہہ بول بولنا ہے:

ہاڑی	نی	چوٹی
کالیاں	کاواں	نا ڈھیرا
اُڈر	کاواں	ماہڑا کون آسی

سین نمبر ۲.....

(شاہ ہٹی ور بیٹھانا ہے، کجھ آدمی سودا ہنے ہیں، شاہ نا گماشته چیز اس توی
توی دینا ہے اتنے نجع علماء آونا ہے)

علماء : سلام ہے شاہ جی ”نجہ دتی تھا شاہ نے کوں بھنیاں ہوئیاں“۔

شاہ : مجت بعد مرد یا نئیں، بل رہیا نئیں نا..... بل کری کے۔

علماء : بل ہونے تاں مردی مردی ٹساہڑے کوں کیاں آونے شاہ جی۔

شاہ : توں ماہڑی سامی ہیں ریا، ماہڑے کوں نہ آسیں تھے جاسیں گتھا۔

گماشته: دندکڈھنیاں ہوئیاں ”شاہ نیاں بھیاں بچوں نکلی کے گن جائی سکنا ہے“۔

علماء : گماشته نے واخ تکنیاں ہوئیاں ”ایہہ کیہڑی بلا آندی نیئے شاہ جی“۔

شاہ : ہنسنیاں ہوئیاں ”بلآ نیہہ جھے ناپڑت ہے گماشته۔ سدھالی تھے ہے، پر
کدے کدے سیانیاں گلاں وی کری چھوڑنا ہے۔ اسکی جھے ماہڑے

کوں چھوڑیا ہے..... بل کری کے۔“

علماء : نہ سودے نجع چھوڑیاں کہ بیاج نجع؟.....

شاہ : ہنسنیاں ہوئیاں ”توں ٹچکراں نہ چھوڑیاں، بل کری کے۔ وہس کیاں
آیا سا نئیں۔“

مُنشی : دَندَكُلْ حضيَاٰ هُوئيَاٰ ”چڑي باز کول کيائ آونِي ہے آهاء“۔

شاہ : رُعب کر نياں ہوئيَاٰ ”چُپ کر سوہريا چڑي مارا جھت کرن تھين باز نيهہ آونا“۔

علماء : پرمیں اپنی غرض واسطے آونا پیاں شاہ جی۔

شاہ : شاہ نے ہونیاں تگی کس نی فکر ہے علمیاں۔

علماء : فکر ته ڈاہدی ہے مُندے نیاں سُنتاں آئی گیاں ہین، سارا گراں آوسی، تھو مرہام کرنی پیسی، قرضے نی لوڑ پیسی۔

شاہ : ماہری ہٹی کدوں کم آوسی، جو لوڑ ہے توں لئی لے۔

گماشته: خیال رکھیاں شاہ قرضے نج بندے وی توں لائی لینا ہیں، آهاء
..... پتہ ہے ای نا۔

علماء : پتہ ته ہے پرمُندے ناختنہ ہے یرا۔

شاہ : بیہی اگے کرنے ہوئيَاٰ ”تہ فرلا انگوٹھا“۔

علماء : انگوٹھاتہ لاساں پرتھک نہ لا یوشاه جی۔

شاہ : بیہی پچھے کرنے ہوئيَاٰ ”نہ تگی کوئی شک ہے“۔

علماء : شک تہ کوئی نیہہ پر منڈے ناختنہ ہے۔ ایہہ خطاۃ کرنی پیسی۔ دھسو کُتھاں انگوٹھا لاس۔ (انگوٹھا لانے تھیں بعد) ”ہاں تہ تو لوست سیر شکر، ادھ سیر چا، تر ۳ے پاہ نسوار، پچ سیر مخانے”

سین نمبر ۳.....

(میوٹ)

(علیے نا کھر، لوک اکھٹھے ہوئے ہیں، ختنے نی رسم چلنی ہے، زنانیاں گیت گانیاں، رجی ادھر ادھر پھر نی ہے، ٹھوں تہ تو تڑیاں بھنیاں ہیں، ہر پاسے خوشی نا ماحول ہے)

سین نمبر ۲.....

(علیے نا کھر، ختنے نی رسم جاری، ہکس کھٹا پر زمی دار آپے پچ گلاں کر رہے ہیں) اک ذمی دار: علیے تہ رو نق لائی دیتی ہے۔
دُواذِمی دار: ہُجھے چھکنیاں ہویاں ”شاہ دل بے ہویا“۔
تریاً ذمی دار: چائی نی ٹھوٹھی مُنہواں نال لانے تھیں بعد ”دل تہ علیے نا ہے پر بل تہ شاہ نا چڑھنا ہوئی“۔

پہلا ذمی دار: داڑھی ہلانیاں ہوئیاں ”آہاں! اُس بل کری انگوٹھے لوائے ہو سن،“۔

دُواذمی دار: جیویں (زمی) جاسیدادگی جاس۔

پہلا ذمی دار: فروی شاہ ناؤ دھار نیہہ جان لگا۔ (اتنے نجع علماء اندر آونا ہے)

علماء: میں جاننا ہاں تساں کی پہنچھ لگی نی ہوئی، اندر جلو، سُنتاں ہوئی گیاں
ہین، ہن دعوت ہوئی جائے۔

تریا زمی دار: نہ کوئی گذر، کوئی سیف الملوك، کوئی تاڑی گتکا.....!

علماء: پہلاں دعوت ہوئی جائے فرتاڑی گنکاوی کرانے ہاں۔ اُٹھو فر
بہل کرو۔

سین نمبر.....۵

(علیے ناکہر، علماء ریاں بٹ رہیا ہے۔ رجی منجھی کی کہاہ بانی پیئی ہے، گدرا
کھیڈ ناپیا ہے۔ اتنے نجع شاہ تھے اُس ناگماشتہ آونے ہین)

علماء: کھٹ ڈائی انہاں کی بھالنیاں ہوئیاں ”پہنائی پہنائی..... آج شاہ جی
کسر اس رستہ پہنلے۔“

شاہ: کھٹا پر بھالنیاں ہوئیاں ”توں ہٹی نا رستہ جے پہنلی گیا ہیں۔ بل کری
کے۔“

گماشتہ : شاہ اُدھار نیہہ پہنلنے۔ شاہ نا اُدھارتہ ظالم نی مار آہا! پتہ ہے ای نا۔

علماء : دس بیہیاں لیسن، پندرائیں بیہیاں دیئی بیٹھاں۔ ہُن تہ جان چھوڑ وشاہ جی۔

شاہ : جان تہ توں ماہری کھاہدی نی سی، بل کری کے۔ اُدھارو یے آ کھنا سیس منڈے ناختنہ ہے، ٹبر ٹیر آون گے، سودا پتر باہوتے نگ بچاؤ۔

علماء : مگی کے پتہ سا نگ بچانے بچانے گوہجا کپائی بہساں۔

گماشتہ: شاہ گوہجا ہی نیہہ ٹھہید وی کپی لینے ہیں، آہا! پتہ ہے ای نا۔

شاہ : چہلے کی مارنے ہوئیاں ”پریں ہست سوہریا ٹھہڈلا“۔ فر علمے واخ مرٹ نے ہوئیاں ”ہاں تہ علمیاں، ماہرے پنج بیہیاں سٹ نیہہ تہ تھانے جائی سٹ کرائیں..... بل کری کے۔“

علماء : علماء اتنا وی بے علماء نیہہ شاہ جی۔ پسیے تہ میں دیہی بیٹھاں ہور پنج بیہیاں کس نے۔

گماشتہ: شاہ نیاں بیہیاں پنج تہ پنج بیہیاں بولنے پئے..... آہا۔

علماء : شاہ چھوٹھ بولنے ورلگ نھی ہند اہے۔

شah : میں تھے چھوٹھا ہی سہی تو اہڑا انگوٹھاتھے چھوٹھانیہ، بل کری کے۔

علماء : انگوٹھا جیہڑا کورے کاغذو رلو ایسا۔ ایہہ گھل چھوڑ دیو شاہ جی نیہہ تھے پول کھولی چھوڑ ساں نے۔

شah : ہلّا..... توں پول کھوں۔ چئلے کی اشارہ کرنے ہوئیاں ”کھول ہاں علمے نی منجھ..... بل کری کے۔

رجی : منجھی واخ دروڑ نے ہوئیاں ”ماہڑی لا یئری منجھ نہ کھولیو ماہڑی زوری نہ ماریو۔“

شah : کھول چھلیا کھول، بل کری کے۔ (اتنے پنج گراں ناک ماسٹر آونا ہے)

ماسٹر : کے چھوں باہیانا ہے پہنائی۔ کے ہویا؟

رجی : شاہ ماہڑی منجھ کھولن لگا ہے۔

علماء : دس بیہیاں اُدھار لئے سن ماسٹر جی، پندرال بیہاں دیہیسی بیٹھاں۔ شاہ حالیں وی انگوٹھے تھے بیہیاں دہسننا پیا ہے۔

شah : بیہی دہسنے ہوئیاں ”میں کوئی چھوٹھ مارنا ہاں..... بل کری کے۔

ماسٹر : چھوٹھتھ نیہہ مارنے پر غریب مارتھ کرنے پے ہو شاہ جی۔

شah : بیہی کھولنے ہوئیاں ”علمے نا انگوٹھا تکی لو ماسٹر جی،“

ماستر : میں تُساہرے چھل پڑت تکی لے ہیں شاہ جی، انگوٹھے لوائی لوائی تُساں
شیخ شاہی مچائی نی ہے۔

شاہ : خجل ہوئی تہی تک ہاں چھل دیا۔

ماستر : ایہہ انگوٹھیاں آلی تہی می تکن دیو شاہ جی (تہی کھسنے ہوئیاں) تاں
جس تُس جیل تہ تھانہ تک سکو۔

شاہ : ڈری جانا ہے ہورہی کچھا بیٹھ رکھی نسے نسے آکھنا ہے ”یہی نی تکیو
ماستر جی، میں ہُن علیے دار نیہہ تکن لگا.....مل کری کے“، نس اوہ
سوہریا گماشتیہ۔

ماستر : تکن لیا ہی نا انگوٹھے لانے نا مطلب۔ جدوں تکر انگوٹھے لانے رہسو
شاہ تہ کھو جے تُسا میں ڈز لانے ہی رہسن۔

علماء : ہُن تہ میں انگوٹھا کدے وی نیہہ لان لگا۔

ماستر : ایہہ تاں ہی ہو سکنا ہے جے بالغاں واسطے لگے نے سکوالاں پچ چار
اکھر پڑھی سکیں تہ لکھت پڑھت پڑھنے جو گا ہوویں۔

علماء : چلو ماستر جی انگوٹھے آلی کالکھ سکول پچ ہی تھوں ہوئی۔ ہُن انگوٹھا لانے
نے بجائے شاہواں تہ کھو جیاں کی انگوٹھانہ دہسیا تاں ماہر انال علماء نیہہ۔

1۔ اوپرے لفظاں نامطلب:

واخ	:	طرف، بکھری
چگے	:	نقلہ لانا
سُٹھاں	:	خُتنے نی رسم
گھجی بھی	:	تھوم تھام نال
تھماں	:	دعوت
مشکریاں	:	مسخریاں
مُجت	:	مُدت
سدھائی	:	سکھائی
ٹچکراں	:	نداق
خُجت	:	چھپر چھاڑ کرنا
توڑیاں	:	شہنا نیاں
ٹبرڈیر	:	عیال
چچوں	:	رولا باہنا، شور کرنا
چھل پڑت	:	بہانے کرنا
ٹھوٹھی	:	پیالی

2۔ مندرجہ ذیل سوالات نے جواب دیو:

- (۱) علما شاہ نی ہٹی ور کیاں جانا ہے؟
- (۲) شاہ علیے کی انگوٹھا گتھاں لوایا؟
- (۳) علیے کی شاہ کولوں کون بچانا ہے؟

3۔ تھلے دیتے نے لفظاں کی اپنے جملیاں پنج استعمال کرو:

- | | | |
|------------------|-------------|----------|
| (۱) ٹھوٹ ٹھمکیاں | (۲) گجی بجی | (۳) تھام |
| (۴) ختنہ | (۵) لگ بھنا | (۶) چوول |

4۔ اُستاد بچیاں کی ڈرامے نے بارے پنج کچھ معلومات دیوں تھے انہاں کی ایہہ ڈرامہ کھیڈ نے نی ترغیب وی دیوں۔

